

# Protocòl específic entara creacion deth Dispositiu eleccions COVID: oficina, responsables e materiaus de seguretat sanitària

(DEPARTAMENT D'ACCION EXTERIORA, RELACIONS INSTITUCIONAUS E  
TRANSPARÉNCIA)

Document presentat ath Comitè Tecnic deth Plan PROCICAT entà emergéncias associades a  
malauties transmissibles emergentes damb potènciu naut risc en data 28 de deseme deth 2020

# Eleccions e COVID-19

**Protocòl específic entara creacion deth  
Dispositiu eleccions COVID: oficina,  
responsables e materiaus de seguretat  
sanitària**



## Eleccions e COVID-19

### Protocòl específic entara creacion deth Dispositiu Eleccions COVID-19: oficina, responsables e materiaus de seguretat sanitària

---

#### 1. Finalitat

---

Aguest protocòl hè operatiu es elements que s'an includit en document de treball "**Eleccions e COVID-19: consideracions entara organizacion d'ua convocatòria electorau damb seguretat entara salut, garanties entath vòt e legitimitat democràtica**" de 23/10/2020, en tot aquerò restacat damb eth dispositiu de coordinacion dera seguretat sanitària entàs eleccions convocades entath pròplèu 14 de hereuèr deth 2021.

Aguest protocòl s'anarà revisant e adaptant en foncion dera evolucion dera situacion epidemiologica, pr'amor de garantir que s'evengue as directritzes provientes des autoritats sanitàries.

---

#### 2. Oficina de seguretat sanitària

---

Er equip de seguretat sanitària ei compausat pera Oficina de seguretat sanitària, eth responsable COVID-19 (responsable de seguretat sanitària en cada Administracion locau) e un responsable de seguretat sanitària en cada collègi electorau eth dia des eleccions:

- Era **Oficina de seguretat sanitària**, centralizada ena Direccion Generau de Participacion Ciutadana e Procèssi Electoraus, coordinarà es dispositius de seguretat sanitària:
  - Harà eth seguiment des diuèrsi dispositius de seguretat pendent eth procès electorau.
  - Dessenharà es protocòls de seguiment des dispositius.
  - Balharà materiau de formacion as responsables municipaus de seguretat sanitària, se cau.
  - Meterà a disposicion des ajuntaments eth dessenh deth materiau informatiu damb es indicacions de seguretat aprovades peth PROCICAT entà plaçar en collègi electorau. Eth materiau serà en format dubèrt entà qu'es ajuntaments poguen adaptar-lo as sòns besonhs.
  - Resolerà es consultes des entitats locaus.

---

### 3. Responsable COVID-19 dera administracion locau

---

- **Eth responsable COVID-19 dera administracion locau** ei ua unica persona per ajuntament que coordine tota era premanida en matèria de seguretat sanitària dera celebracion des eleccions, atau com era interlocucion damb era oficina de seguretat sanitària.

#### Foncions:

- **Èster era persona de referència der ajuntament (interlocutor)** entà totes es comunicacions restacades damb COVID-19 e eleccions damb era Oficina de seguretat sanitària.
- **Assegurar era adequacion des collègis electoraus** (p. ex.: calcul d'aforament, distribucion des meses, comprovacion dera ventilacion, eca.) enquiara finalizacion dera jornada electorau e posteriors prètzhèts derivadi (p. ex.: neteja), d'acòrd damb es pautes que s'establisquen en "*Protocòl específic entara adequacion des collègis electoraus e entath procediment de vòt en mesa electorau e escrutin entàs pròplèu eleccions ath Parlament de Catalonha de 14 de hereuèr deth 2021*".
- **Assegurar er aprovisionament deth materiau de proteccion** de besonh entara celebracion des eleccions (p. ex.: gestion dera compra de materiau, seguiment, inventari, eca.), d'acòrd damb es pautes que s'establisquen en "*Protocòl específic entara adequacion des collègis electoraus e entath procediment de vòt en mesa electorau e escrutin entàs pròplèu eleccions ath Parlament de Catalonha de 14 de hereuèr deth 2021*".
- **Realizar eth seguiment dera adequacion de collègi electorau**, prèviament ara jornada electorau, pendent e posteriorament as comicis. Pendent era jornada electorau e enquiara finalizacion, a d'èster disponible coma referent entà resòlver quinsevolha incidència o prestar assisténcia (p. ex.: besonh de materiau de senhalizacion non previst, redistribucion der espaci per ua causa non prevista, provision de materiau), en tot coordinar-se damb es respectius responsables de seguretat sanitària des collègis electoraus.

#### Perfil:

- Se recomane que sigue ua persona treballadora der ajuntament damb un perfil de responsabilitat tecnic, propèr ar ambit dera geréncia o deth secretari der ajuntament.

---

#### 4. Responsable de seguretat sanitària deth collègi electorau

---

- Eth **responsable de seguretat sanitària deth collègi electorau** ei ua persona per sedença electorau que velhe pera seguretat sanitària dera madeisha pendent era jornada electorau. En conseqüència, serà apoderat entà demorar ena sedença e préner decisions respècte deth sòn ambit de competència. En cas de considerar-se de besonh, se poderà dispausar **assistents** que l'ajuden enes sues foncions, en tot demorar aguesta persona coma unica responsabla dera sedença.

**Foncions:** D'acòrd amb eth "*Protocòl específic entara adequacion des collègis electoraus e entath procediment de vòt en mesa electorau e escrutin entàs pròplèu eleccions ath Parlament de Catalonha de 14 de hereuèr deth 2021*", pendent era jornada electorau aurà de:

- **Controtlar er accès ordenat des votants ath collègi electorau**, organizar es coes e eth fluxe des votants laguens deth collègi, mantier es distàncies de seguretat, en tot assegurar era entrada e gessuda pes accèssi corrèctes, damb er objectiu d'evitar era formacion d'aglomeracions.
- **Garantir eth compliment dera obligacion d'us de mascareta** en tot moment, exceptat enes cassi que puntaument pogue èster incompatible damb era identificacion des persones o per rasons de seguretat o d'impossibilitat d'us per patologies des electors.
- **Garantir era neteja de mans** des electors/es e **evitar eth contacte** entre persones.

#### **Perfil:**

- Es qüestions relatives ath perfil deth responsable e assistents de seguretat sanitària deth collègi electorau son de **liura decision per part des ajuntaments**. Era seleccion deth responsable e assistents de seguretat poderà èster d'entre eth sòn pròpri personau o ben personau extèrn.
- Coma **recomanacions generiques** entara seleccion deth personau se suggerís experiència ena atencion ath public e/o organizacion e gestion d'eveniments i/o prevencion e gestion de risques.
- En foncion des dimensions dera sedença electorau, es foncions de seguretat sanitària deth collègi electorau poderàn èster assumides per persones damb d'aves responsabilitats.

### D'autres qüestions:

- Abans der inici dera jornada electorau, eth responsable de seguretat sanitària deth collègi electorau s'aurà d'identificar deuant deth president o presidenta dera mesa/es.

---

## 5. Premanida e seguiment des mesures de seguretat e prevencion

---

- Se realizaràn **comprovacions de seguretat sanitària** entà garantir era adopcion de mesures en toti es collègis electoraus.
  - Coma minimom, se realizarà ua comprovacion iniciada, ua just abans deth dia des eleccions e ua cada còp que i age bèth cambi de normativa qu'age impacte ena organizacion des collègis electoraus. S'ei eth cas, era Oficina de seguretat sanitària poderà demanar era realizacion de d'auces comprovacions s'atau ac considèrè de besonh.
  - Es comprovacions de seguiment en terren les realizarà eth responsable de seguretat sanitària (responsable COVID-19) dera Administracion locau.
  - Era Oficina de seguretat sanitària elaborarà es protocòls de comprovacion e proporcionarà materiau informatiu as responsables municipaus de seguretat sanitària.
  - Se considerarà qu'era informacion resultant des comprovacions pogue èster publica de manèra qu'era ciutadanetat pogue consultar en temps reau er estat deth sòn collègi electorau. Aquesta informacion publica incorporarie, a mès deth compliment des mesures de seguretat sanitària, ua estimacion deth temps entà votar.
- Se prevé realizar un simulacre des dispositius de seguretat sanitària previsti en un collègi electorau com exemple de referéncia entara rèsta de collègis electoraus.
- Se harà arribar ath Departament de Salut eth suggeriment de, laguens deth plan de vacunacions, administrar era vacuna de forma prioritària as membres des meses e d'aute personau dera sedença electorau.
- Era Oficina de seguretat sanitària trabalharà damb es diuèrsi dispositius d'informacion e comunicacion electorau entà qu'es besonhs d'informacion dera ciutadanetat ath torn dera seguretat sanitària pendent es eleccions siguen satisfèts damb era maxima qualitat e fondaments.

---

## 6. Comunicacion des mesures de seguretat e prevencion

---

- Es mesures de seguretat sanitària:
  - Se recuelhen en protocòls aprovadi peth PROCICAT e, s'ei eth cas, s'elèven ara JEC.
  - S'incorpòren, en aquerò que cau, ath manau de membres mesa coma annèxe.
  - Se difonen enes campanhes e espacis de comunicacion institucionau (p. ex.: simulacions damb figurants des instruccions a seguir en moment de votar).
- Era Oficina de seguretat sanitària elaborarà materiau informatiu damb es indicacions de seguretat entà qu'es ajuntaments poguen utilizar-lo, en tot adaptar-lo as sòns besonhs.
- En tots cas, es ajuntaments plaçaràn cartèus informatius en lòcs visibles des collègis electoraus damb es indicacions de seguretat aprovades.

---

## 7. Organizacion dera seguretat sanitària enes collègis electoraus

---

Es ajuntaments adequaràn es collègis electoraus d'acòrd damb es mesures que s'establiessen en *Protocòl específic entara adequacion des collègis electoraus e entath procediment de vòt en mesa electorau e escrutin entàs pròplèu eleccions ath Parlament de Catalonha de 14 de hereuèr deth 2021*

S'ahigen ad aqueth protocòl es particularitats que seguissen:

- En foncion des besonhs de cada municipi, se valorarà de sollicitar as autoritats competentes era suspension der espòrt escolar e federat que se practique enes pabelhons esportius pendent era jornada de reflexion e era jornada electorau entà poder liberar es equipaments entath sòn us coma collègi electorau.
- Se recomanarà qu'es equipaments publics que cedisquen es sues sedences coma collègis electoraus cancel·len era sua activitat londeman des eleccions entà poder realizar es corresponenti trabalhs de neteja e desinfeccion.
- Entà evitar eth risc d'un nombre de persones superior ar aforament permetut en collègi electorau o que se poguen comprométer es distàncies de seguretat acordades:
  - Es mejans de comunicacion auràn de comunicar d'auança ar ajuntament que correspongue era sua intencion de visitar un collègi

electorau, pr'amor de minimizar es riscos sanitaris. En tot cas, s'auràn d'acreditar deuant deth president o presidenta dera mesa. Es entrevistes que se solliciten s'auràn de realizar dehòra deth collègi.

- Se recomane as partits qu'es sòns respectius apoderats centren era sua activitat en ua soleta sedença electorau tostemp que sigue possible, damb er objectiu de redusir desplaçaments e atau redusir eth risc de contagis.
- Se convida as partits politics a arribar a un acòrd sus eth nombre d'apoderats coïncidents en un moment dat en ua sedença. Coma propòsta de partida se suggerís un maxim d'un apoderat per cada cinc meses pendent era jornada electorau, e un maxim d'un apoderat per cada tres meses pendent eth recompe.
- Damb er objectiu de poder complir damb aquestes recomanacions, se convida as partits a arribar a un acòrd en quau òpten pera figura der apoderat, que pòt suplir es foncions der interventor, en lòc dera der interventor, que non pòt pas hèr es sues foncions dehòra dera mesa a on ei adscrit. En cas qu'es partits arriben a un acòrd, e prèvia sollicitud ath Govèrn, aquest lo trasladarà ara Junta Electorau Centrau damb er objectiu qu'aguesta lo hèsque d'obligat compliment.

Es mesures entàs collègis electoraus s'auràn de replicar en **centre de recuelhuda d'informacion (CRI), en centre de difusion de donades (CDD) en Parlament, e enes escrutins des juntes electoraus provinciaus**. En cada cas, totun, se haràn es adaptacions que sigue de besonh segontes eth prètzhet a desvolopar (mascaretas FFP2, guants de nitril, eca.).

---

## 8. Aquisicion e distribucion deth materiau de seguretat sanitària

---

- Es **ajuntaments se responsabilizaràn deth subministrament de materiau de proteccion** que s'establís enes instruccions qu'apròve eth PROCICAT entàs electors e electrores qu'acudisquen as collègis electoraus entà exercir eth sòn dret a sufragi atau com as membres dera mesa electorau e d'auti actors que participen ena jornada electorau e escritin (liquid idroalcolic, mascaretas de recambi, eca.). Eth Departament d'Accion Exteriora, Relacions Institucionaus e Transparència n'assumirà eth còst.
- Es ajuntaments se responsabilizaràn dera seleccion de responsables COVID-19 dera administracion locau e des responsables de seguretat sanitària des sedences electoraus. Totun, laguens dera bestreta qu'era Generalitat de Catalonha transferirà as ajuntaments entà cobrir es despenses derivades des dispositius de seguretat sanitària, **s'includirà tanben eth còst dera despena en personau de seguretat sanitària**. S'includirà ua quantitat fixa per collègi e ua de variabla en foncion deth nombre de meses.



- Eth calcul des quantitats deth materiau a subministrar se basarà en recompde deth nombre de meses e de votants de cada collègi electorau. Ara seguida, se presente ua **aproximacion de quantitats orientatives** que pòden servir d'ajuda ara ora de hèr es calculs de bèri uns des materiaus a subministrar.

Millilitres de besonh de gèl idroalcoolic, calculant qu'un votant utilizarà un maxim de 3 còps eth dispensador: entrada, documentacion, gessuda.	Ua dòsi (ua pulsacion en dosificador dera ampolha) a 3 ml.
Guairi còps ath dia s'aurie de cambiar era mascareta ua persona que serà en collègi electorau ues 12-14 ores (membres mesa, interventors, d'auti) e quin tipe de mascareta.	Varie en foncion des instruccions deth fabricant, mès en generau es quirurgiques non s'aurien d'utilizar mès de 4 ores.  En escritin, se recomane er us d'ua mascarete FFP2.
Guairi còps ath dia aurien d'utilizar eth gèl idroalcoolic es persones que siguen en collègi electorau ues 12-14 ores.	Era principau mesura ei evitar ath maximom de tocar cap d'objècte e hèr freqüenti lauats de mans. Totun açò, s'a de hèr a servir gèl idroalcoolic de manèra regulara. Tanben ei important de rebrembar qu'era transmission per superfícies contaminades, en moment de coneishement actuau, se considèrè baisha.

Taula 1: Equip/materiau de proteccion individuau.

- Era Direccion Generau de Contractacion Publica e eth Departament de Salut a trauès dera Agència de Salut Publica de Catalonha e eth Servicì Catalan dera Salut poderàn assessorar ena crompa de materiau de proteccion sanitària en conformitat damb es directritzes deth PROCICAT.
- En cas de besonh excepcionau, se poderà recórrer as existències de materiau de seguret sanitària deth Departament de Salut, a on s'auràn de reposar es materiaus utilizadi. Eth Departament de Salut serà receptor deth materiau de seguret que resulte sobrèr en finalizar eth procès electorau.

---

## 9. Referència ara normativa vigenta

---

En cas de dobte o absència d'indicacions o suggeriments especifics en aquest protocol, serà de referència era normativa legau de caràcter generau o ben es plans e protocols sectoriaus entà hèr front ara COVID-19 que tracten qüestions afines o assimilables as situacions mès entà naut descrites.